



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 47. Delphini obitus.

[urn:nbn:de:hbz:466:1-66272](https://nbn-resolving.de/urn:nbn:de:hbz:466:1-66272)

Sæcul. XV. comminatus est, quo comperto ipsummet
A.C. 1417. captivum detinere statuerunt, donec Delphini Patriæ reddidisset, ille vero cognito eorum consilio clam auffugit. Ut autem mala ex hac confoederatione ori-
tura prævenirentur, Delphino ejus genero venenum propinabatur, quo & die decima octava Aprilis mortem oppetiit.

§. XLVII.

Delphini obitus.

Delphino e vivis erepto, hunc necnon Turoniæ Ducis titulum unacum jure successionis in Franciæ Regno adeptus est Carolus ejus Frater, juratus Ducis Burgundi hostis. Hujus sacer Andegavensis Dux in suspicionem trahebatur, quod duobus fratribus natu majoribus, ut Generum suum in solium evehere posset, mortem procurasset, attamen si vera fuerit accusatio, certe gaudium e scelere natum non fuit admodum diuturnum; nam ipsus adhuc mense Augusto vita functus est. Interea vero Rex, Delphinus, & Parisiensis civitas Connestabilis Armeniaci imperio subdita erat, atque ejusdem potentiae sola Regina quodammodo frænum injiciebat: sed & ipsa Armeniaci artibus aula exire, & Turonium tanquam captiva tendere jussa est, cuius facinoris nunquam oblivisci poterat Regina,

gina, semper inimica tam Armeniaco, Sæcul. XV.
quam Delphino Filio suo, cuius assensu, A.C. 1417.
licet decimum sextum duntaxat ætatis
annum ageret, hanc sibi illatam fuisse
injuriam noverat.

§. XLVIII.

Universa ferme Normannia ab Anglis subiecta.

Armeniacorum consilia peropportuna
acciderant Burgundiæ Duci, ut con-
ciliatis sibi pluribus urbibus, earum ope
Regi libertatem procurare posset. Ma-
gna Campaniæ pars, Picardia, & Insula
Franciæ Ducem ambobus brachiis exci-
piebant, utpote qui cunctas pecuniarum
exactiones abolebat. Hic ipse Corbe-
lium obsidione cinxit, quam tamen brevi
solvere coactus fuerat, ut Turonium ve-
niret, ubi frequentius cum Regina col-
loquebatur, quæ deambulationis obten-
tu ad majus Monasterium vulgo *Mar-
moutiers* dedita opera accefferat. De-
mum etiam Burgundum Trecas usque
comitabatur, ab eoque temporis articulo
regni administrationem sibi arrogabat.
Interea vero Angli dissensionum oppor-
tunitate usi, res suas continuato victoria-
rum cursu plurimum augebant, suæ enim
potestati subjecerunt Cadomum, Bajo-
cum, Faleiam, Argentonum, Alenso-
nium,